



Inatsisartuni ilaasortaq Aqqaluk Heilmann, Atassut
/maani

**Inissaaleqineq pillugu § 37 naapertorlugu apeqquteqaammut 2018-289-imut
akissut**

22-11-2018

Suliaq normu: 2018-23175

Id normu: 35275889

Asasara Aqqaluk Heilmann

Postboks 909
3900 Nuuk

Tlf.: (+299) 34 50 00

E-mail: box909@nanoq.gl

Fax: (+299) 34 63 56

www.naalakkersuisut.gl

Inatsisartut suleriaasianni § 37 naapertorlugu apeqquteqaatinut nassiusannut qujanaq.
Apeqqutit matuma kinguliani ataasiakkaarlugit allanneqarput, akissummillu
malitseqarlutik.

Apeqquteqaatit nuna tamakkerlugu inissaaleqinermut tunngasummat, tassunga
tunngatillugu ilisimatitsissutigineqarsinnaavoq, Namminersorlutik Oqartussat inissianut
kommuninit pigineqartunut, kiisalu namminerisamik inissianik niuerfimmi utaqqisunut
paasissutissanik tunniussisinnaanngimmata. Kiisalu erseqqissaatigineqassaaq,
utaqqisut allattorsimaffii inissaaleqinerpiamut tunngavigineqarsinnaanngimmata.

Apeqqut 1: Nuna tamakkerlugu inissaaleqineq qanoq annertugiva?

Sumiiffikkaartumik pisariaqartitsineq qanoq annertugigiva?

Apeqquteqaat pisortat inissiaataannut tamanut tunngasummat, tassunga tunngatillugu
ilisimatitsissutigineqarsinnaavoq, Namminersorlutik Oqartussat taamaallaat
Namminersorlutik Oqartussat inissiaataat pillugit akissuteqarsinnaammata, kommunit
inissiaataat pinnagit.

INI A/S-imut ilisimatitsissutigineqarpoq, maannarpiaq sumiiffinni ukunani
Namminersorlutik Oqartussat inissiaataannut allatsissimasut imatut amerlassuseqartut:

Nanortalik	= 97
Narsaq	= 103
Qaqortoq	= 305
Paamiut	= 62
Nuuk	= 1404
Maniitsoq	= 243
Sisimiut	= 613
Kangaatsiaq	= 37
Aasiaat	= 319
Qasigiannguit	= 60
Qeqertarsuaq	= 561
Ilulissat	= 12
Uummannaq	= 79
Upernivik	= 90
Qaanaaq	= 47
30-398/399	= 56

Maannarpiaq nuna tamakkerlugu Namminersorlutik Oqartussat inissiaataannut utaqgisut allattorsimaffianni katillugit 4.088-it allatsissimapput.

Tassunga tunngatillugu erseqqissaatigineqassaaq, taanna pisariaqartitavinnut tunngavigineqarsinnaanngimmat, aammalu nuna tamakkerlugu sumiiffikaartunut agguarlugit annertuumik misissuinissaq pisariaqartussaammat.

Apeqqut 2: Inissaaleqisuni kikkut pisariaqartitsinerpaajuppat ukunani? Ilinniartut, ilaqtariit, meerartallit, inuusuttut, kisimiittut il. il.?

Pisortat inissiaataannik innersuussisarnermi qanoq tulleriaarisoqartarnersoq inissianik attartortitsisarneq pillugu Inatsisartut peqqussutaanni nr. 2-mi, maajip aqqaneq-aappaat 2015-imeersumi § 5-imni allassimavoq.

Utaqqisut allattorsimaffiannut allatsissimasut ilaqtariinnikkut inissisimanertik, inuussutissarsiutertik, innarluteqarnertik assigisaaluunniit ilisimatitsissutigissagaat attartortitsisarnermut peqqussummi allassimangilaq. Taamaattumik paasissutissanik taamaattunik soqanngilaq.

Apeqqut 3: Nuna tamakkerlugu pisortat inissiaataat qanoq amerlatigippat? Kommunit pigisaat aammalu Namminersorlutik Oqartussat pigisaat qanoq agguataaqqappat?

INI A/S-miit ilisimatitsissutigineqarpoq, INI A/S-p inissiat 5.900-t missaaniittut, Namminersorlutik Oqartussanit pigineqartut aqtarigai.

Apeqquteqaat pisortat inissiaataannut tamanut tunngasuummat, tessunga tunngatillugu ilisimatitsissutigineqarsinnaavoq, Namminersorlutik Oqartussat taamaallaat Namminersorlutik Oqartussat inissiaataat pillugit akissuteqarsinnaammata, taamaattumillu kommunit inissiaataat ilanngussinnaanagit.

Apeqqut 4: Inissaaleqinermut atatillugu sumi pisariaqartitsisoqarnerpaajunersoq naapertorlugu Naalakkersuisut misissuinissartik pilersaarutigivaat?

Naalakkersuisut inissianik tamanit atorneqarsinnaasunik pitsaasunik, eqaatsumik ilusilersuinissamut periarfissaqartunik sanaartornissaq eqqumaffigereerpaat. Inissiat tamanit atorneqarsinnaasut inissiaapput minnerusut, ilinniartunut, inuusuttunut, soraarnernut allanullu minnerusuni akitkinnerusunilu najugaqarnissaminnik kissaateqartunut naleqqussakkat.

Misissueqqissaarernut ingerlanneqartussanut atatillugu Namminersorlutik Oqartussat inissiaataannik kommuninut tunniussinissamut suliap ingerlanneqarnissaata aallartinnginnerani, pisariaqartitat annertunerusumik paasisaqarfingineqarnissaat naatsorsuutigineqarpoq.

Apeqqut 5: Namminersorlutik Oqartussat inissiaatiminik kommuninut tunisaqartarnerat ukiuni kingullerni tallimani qanoq inissisimava? Qassit tunineqarsimappat? Inissiat qanoq angitigisut? Sumiiffiillu qanoq agguataaqqappat?

Ineqarnermut Attaveqaqatigiinnermullu Naalakkersuisoqarfimmi, Januaarip aallaqqaataa 2014-miit ullumikkumut tunineqarsimasut inissiat 55-it nalunaarsorneqarsimapput, taakkulu sumiiffinnut ukununnga agguagaapput:

Tasiilaq	= 39
Ittoqqortoormiit	= 14
Nuuk	= 2

Inissiat tunineqarsimasut taamaallaat nalunaarsorneqarsimapput, inissiat annertussusaat alassimanatik.

Inussiarnersumik inuulluaqqusillunga



Aqqalu Jerimiassen